

Broj: 01-04-2-559-3/26
Datum: 03-06-2026

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
ZASTUPNIČKI/PREDSTAVNIČKI DOM
n/r g. Ivan Miličević, tajnik/sekretar
ul. Hamdije Kreševljakovića 3
SARAJEVO**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 04-06-2026			
Org. jed.	Broj	Priloga	Vrijednost
05/19	02-	318	26

**BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BIH
GENERALNI SEKRETARIJAT VLADE FEDERACIJE BIH
n/d dr.sci Edita Kalajdžić, generalni sekretar Vlade Federacije BiH
ul. Hamdije Čemerlića 2
SARAJEVO**

Predmet: Odgovor na zastupničko pitanje, dostavlja se
Veza: Vaš akt broj: 0/1-02-318/26 od 14.5.2026.godine

Poštovani,

Aktom veze dostavili ste zastupnička pitanja koja je postavio zastupnik Haris Silajdžić (Stranka za Bosnu i Hercegovinu), a koja se odnose na navode iz anonimne prijave o navodnim koruptivnim radnjama, političkim uticajima na rad Federalnog zavoda za statistiku, kao i na tvrdnje da rukovodilac Zavoda nije uzeo u obzir stručna mišljenja zaposlenika IT sektora.

U skladu sa članom 116. stav (3) Poslovnika Zastupničkog doma Parlamenta Federacije BiH, dostavljamo odgovor i molimo da ga prosljedite uvaženom zastupniku.

Federalni zavod za statistiku ne raspolaže bilo kakvim dokazima koji bi potvrdili navode iz anonimne prijave ili tvrdnje iz zastupničkog pitanja o koruptivnim radnjama, političkom uticaju na zaposlenike ili nezakonitostima u realizaciji projekta EU4ADMIN. Projekat je započeo 18. 9. 2023. godine, finansira ga Delegacija Evropske unije u Bosni i Hercegovini, a implementira GOPA.

Ako zastupnik ili bilo koje drugo lice posjeduje saznanja ili dokaze o eventualnim nepravilnostima, korupciji ili zloupotrebama u vezi s navedenim projektom, očekujemo da ih bez odlaganja dostavi nadležnim istražnim organima. Federalni zavod za statistiku će u potpunosti sarađivati sa svim nadležnim institucijama i staviti na raspolaganje svu relevantnu dokumentaciju.

Anonimna prijava, dostavljena s nepoznate e-mail adrese svim zaposlenicima Zavoda, sadržavala je niz neprovjerenih, netačnih i tendencioznih tvrdnji koje su očigledno imale za cilj narušavanje ugleda Federalnog zavoda za statistiku i diskreditaciju njegovog rukovodstva.

Stoga odlučno odbacujemo navode o „mogućim koruptivnim radnjama i malverzacijama u postupku nabavke IT opreme finansirane sredstvima Evropske unije“. Također odbacujemo tvrdnje da rukovodilac Zavoda nije uzeo u obzir primjedbe i stručna mišljenja zaposlenika IT sektora.

Naime, u okviru projekta EU4ADMIN predviđena je nabavka IT opreme za statističke institucije u Bosni i Hercegovini i institucije koje predstavljaju administrativne izvore podataka. Cjelokupan postupak nabavke provodi Delegacija Evropske unije u skladu sa vlastitim pravilima i procedurama. Federalni zavod za statistiku imao je obavezu dostaviti specifikaciju svojih potreba, a za njenu izradu bio je zadužen rukovodilac IT sektora. Sve njegove primjedbe, prijedlozi i tehničke specifikacije dostavljeni su Delegaciji Evropske unije u izvornom obliku, bez izmjena i intervencija.

Prema tome, netačna je tvrdnja da rukovodilac Zavoda nije uvažio stručna mišljenja zaposlenika IT sektora. Jednako tako, netačni su navodi da je davao prednost stavovima zaposlenika drugih institucija ili ih podržavao nauštrb stručnih mišljenja zaposlenika Federalnog zavoda za statistiku.

Smatramo da je važno da se ovakve optužbe temelje na činjenicama i dokazima, a ne na anonimnim prijavama i neprovjerenim tvrdnjama koje mogu nanijeti štetu instituciji i njenim zaposlenicima. Vjerujemo da će realizacija projekta EU4ADMIN doprinijeti modernizaciji Federalnog zavoda za statistiku te unapređenju procesa prikupljanja, obrade i diseminacije statističkih podataka.

Radi potpune transparentnosti, zastupničko pitanje proslijeđeno je i direktorici Agencije za statistiku Bosne i Hercegovine, čiji se zaposlenici spominju u pitanju, a njen odgovor dostavljamo u prilogu.

S poštovanjem,



Po ovlaštenju
Vlade Federacije Bosne i Hercegovine
Šemso Šurković, dipl. ing. elektrotehnike

Prilog: Ogovor na informaciju o poslaničkom pitanju direktorice Agencije za statistiku BiH

DOSTAVITI:

1. Parlament Federacije – Zastupnički dom Parlamenta Federacije BiH
2. Vlada Federacije BiH
3. Kabinet direktora
4. a/a

Bosna i Hercegovina
AGENCIJA ZA
STATISTIKU BOSNE I
HERCEGOVINE



Босна и Херцеговина
АГЕНЦИЈА ЗА
СТАТИСТИКУ
БОСНЕ И ХЕРЦЕГОВИНЕ

Bosnia and Herzegovina
AGENCY FOR
STATISTICS OF BOSNIA
AND HERZEGOVINA

Broj: 10-16-4-649-3/26
Datum: 29.05.2026. godine

FEDERALNI ZAVOD ZA STATISTIKU
Zelenih beretki 2
71 000 Sarajevo

Bosna i Hercegovina
Federacija Bosne i Hercegovine
FEDERALNI ZAVOD ZA STATISTIKU SARAJEVO

Priloga	29-05-2026
Org. broj	
Broj	01 04-2-559-2/26

Predmet: Odgovor na Informaciju o poslaničkom pitanju
Veza: Vaš akt broj:01-04-2-559/26 od 22.05.2026. godine

Poštovani,

Povodom navoda iz zastupničkog pitanja koji se odnose na ulogu uposlenika Agencije za statistiku BiH u izradi tehničke specifikacije za razvoj softvera i nabavku opreme, ističemo da su navedene tvrdnje netačne i ne odražavaju stvarni tok postupka.

Izrada tehničke specifikacije odvijala se transparentno, u okviru projekta i pod nadzorom Delegacije EU u BiH. U postupku su učestvovalе sve tri statističke institucije: Agencija za statistiku BiH, Federalni zavod za statistiku i Republički zavod za statistiku Republike Srpske, pri čemu je svaka institucija imala mogućnost da definiše i usaglasi vlastite potrebe.

Uposlenici Agencije za statistiku BiH učestvovali su isključivo u dijelu koji se odnosio na potrebe Agencije, odnosno opremu Agencije. Agencija nije definisala potrebe entitetskih zavoda, niti je mijenjala dijelove specifikacije koji se odnose na Federalni zavod za statistiku ili Republički zavod za statistiku Republike Srpske.

Radi potpunog informisanja, u prilogu dostavljamo detaljan odgovor uposlenika Agencije, sa relevantnom službenom komunikacijom i dokazima koji potvrđuju navedeno.

S poštovanjem,



Dostaviti:

1. Naslovu
2. a/a